



«ՍԵՎԱՆԻ Խ.ԱԲՈՎՅԱՆԻ ԱՆՎԱՆ ԱՎԱԳ ԴՊՐՈՑ»

**ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ
ԴԱՍԸՆԹԱՑ 2023**

ԱՎԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ

- | | |
|--|----------------------------|
| ԹԵՄԱ | - Ներառական կրթության |
| մարտահրավերները օտար լեզուների դասավանդման ընթացքում | |
| ԱՌԱՐԿԱ | - Ֆրանսերեն |
| ՀԵՂԻՆԱԿ | - Սաթենիկ Ավետիսյան |
| ՈՒՍՈՒՄՆԱԿԱՆ | |
| ՀԱՍՏԱՏՈՒԹՅՈՒՆ | - Սևանի Մ. Մաշտոցի անվան 1 |
| հիմնական դպրոց | |

Բովանդակություն

Ներածություն.....	3
Ներառական կրթության համակարգը ՀՀ-ում.....	5
Ներառական կրթությունը՝ կրթություն է բոլորի համար.....	8
Ներառումն ու օտար լեզվի ուսուցումը միննույն հարթակում.....	10
Մարտահրավերներն ու լուծման ուղիները.....	12
Եզրակացություն.....	17
Օգտագործված գրականության ցանկ.....	19

Ներածություն

Թեմայի արդիականությունը: Ներկա ժամանակներում լուրջ խնդիրներից է համարվում երեխաների և հատկապես կրթության առանձնահատուկ պայմանների կարիք ունեցող (ԿԱՊԿՈՒ) երեխաների զարգացմանն ու կրթությանը խոչընդոտող հանգամանքները: Հատուկ կարիքներ ունեցող երեխաների կրթությունը կազմակերպելու համար լավագույն լուծումն է ներառական կրթությունը: Ներառական կրթությունը կրթական համակարգ է, որն ուղղված է հավասար կրթության ապահովմանը և հասարակության մեջ հաշմանդամություն ունեցող մարդկանց ներգրավվածությանը: Ներառական կրթությունը ավելի մատչելի և հասանելի է դարձնում կրթությունը բոլորի համար: Սակայն պետք է փաստել այն, որ ներառական կրթությունը ոչ միանշանակ է ընդունվում բոլորի կողմից: Այսօր հաշմանդամություն ունեցող երեխաների վերաբերյալ շատ կարծրատիպեր կոտրվել են, սակայն երբ մարդիկ պետք է իրենց խոսքը գործով ապացուցեն այդտեղ նկատվում է որոշակի բաց: Շատերն են ասում, որ հաշմանդամություն ունեցող երեխան պետք է հաճախի մանկապարտեզ, սովորի դպրոցում, բայց դեմ են, որ իրենց երեխայի հետ սովորի նույն դասարանում: Նման գաղափարի տեր ծնողները իրենց երեխաներին առանձնացնում են հաշմանդամություն ունեցող երեխաներից և ցույց տալիս իրենց խտրական վերաբերմունքը: Հաշմանդամություն ունեցող երեխաներն ունեն նույն իրավունքներն, ինչպես մյուսները: Հատուկ պայմանների կարիքներ ունեցող են համարվում այն դպրոցական երեխաները, ովքեր ունեն երկարատև խնամքի, բուժման, վերականգնման կարիք, որոնք պահանջում են լիարժեք, բազմակողմանի և ծրագրային մոտեցում: Հատուկ կարիքներով երեխաները նրանք են, ովքեր ունեն հոգեբանական, ֆիզիկական, մտավոր կամ վարքային խնդիրներ: Ամբողջ աշխարհում ներառումը այլևս ապրելակերպ է, մարդկանց համատեղ ապրելու, աշխատելու և սովորելու կենսակերպ: Յուրաքանչյուր երեխա իրեն պետք է կարևորված զգա հասարակությունում: Հայաստանում ներառական կրթությունը, լինելով կրթության երիտասարդ համակարգ, դեռևս լիովին ձևավորված չէ, այսինքն իր առջև դեռևս չուծված խնդիրներ ունի: Եվ հենց այդ խնդիրներն են աշխատանքի թեման դարձնում ավելի ակտուալ: Կան մի շարք բացթողումներ ինչպես

նախադպրոցական, այնպես էլ դպրոցական ներառական կրթության համակարգում և դա նպաստում է աշխատանքի մեջ լինել նպատակային և համակարգված:

Սույն հետազոտական աշխատանքի *նպատակն է՝*

- Զարգացնել ուսուցիչների «կադապարված մտածելակերպը»՝ շեշտադրելով հանդուրժողականությունն ու պատրաստակամությունը:
- Կատարելագործել համագործակցային մեթոդը՝ ապահովելով ԿԱՊԿՈւ երեխաների ծնողի և ուսուցիչների կապը:
- Բարձրացնել ԿԱՊԿՈւ սովորողների ներգրավվածությունը օտար լեզվի դասերին:

Խնդիրներն են՝

- Ուսումնասիրել ներառական կրթությունն, որպես այդպիսին, ուժեղ և թույլ կողմերը:
- Բացահայտել ծառայած մարտահրավերներն ու դժվարությունները:
- Գնահատել ներկայիս իրավիճակն ու առաջարկել քայլեր ոլորտի բարելավման համար՝ մասնավորապես օտար լեզվի դասերին:

Ներառական կրթության համակարգը ՀՀ-ում

1990-ականներից ի վեր կրթական ծառայությունների հասանելիության խնդիրը հանդիսանում է միջազգային հանրության քննարկումների թիրախ, երբ ընդունվեցին երեխաների իրավունքների 20 պաշտպանության ոլորտներում երկու կարևորագույն փաստաթղթեր՝ «Երեխաների իրավունքների կոնվենցիան» և «կրթություն բոլորի համար» համաշխարհային հռչակագիրը: Ներառական կրթության (ՆԿ) հիմնադրույթն ու գաղափարական սկզբունքների մշակումը տեղի է ունեցել 4 տարի անց՝ 1994թ.-ին Սալամանկայում ստորագրված համանուն հռչակագրի շրջանակներում, որը վերահաստատվել է 2000թ.-ին Սենեգալում՝ կրթության համաշխարհային ֆորումի ընթացքում: Սալամանկայի հռչակագրով և գործողությունների շրջանակով ամրագրվում է կրթության առանձնահատուկ պայմանների կարիք ունեցող երեխաների, երիտասարդների և տարեցների համար կրթության կազմակերպումը: Մասնավորապես, հռչակագրի համաձայն յուրաքանչյուր երեխա ունի կրթական առանձնահատկություններ և կրթության հիմնարար իրավունք: Կրթական համակարգերը պետք է մշակվեն և կրթական ծրագրերը իրականացվեն՝ հաշվի առնելով այդ առանձնահատկությունների լայն բազմազանությանը: Սովորական դպրոցներում պետք է կարողանան սովորել կրթության առանձնագատուկ պայմանների կարիք ունեցող անձիք: Ներառական կրթության հայեցակարգային հիմքերի և միջազգային օրենսդրական ակտերի հետագա զարգացման մեջ նշանակալի ներդրում ունեցավ ՅՈՒՆԵՍԿՕ-ի կողմից 1996-ին ընդունված՝ «կրթության մեջ խտրականությունների դեմ կոնվենցիան»: Հետագայում՝ 2005թ.-ին ՅՈՒՆԵՍԿՕ-ն շրջանառության մեջ դրեց երկու կարևորագույն հասկացությունների սահմանումները՝ «ներառում» և «ներառական կրթություն»: «Ներառումը» սահմանվեց իբրև բոլոր սովորողների կարիքների հասցեագրմանն ուղղված գործընթաց, որը տեղի է ունենում ուսման, մշակույթի և համայնքներում մասնակցությունը բարձրացնելու և կրթության մեջ և կրթությունից մեկուսացումը նվազեցնելու միջոցով: ՆԿ-ը բնութագրվում է վեց առանձնահատկություններով. կրթությունը պետք է հիմնվի բազմազանության, այլ ոչ թե միանմանության սկզբունքի վրա 2. կրթական գործընթացը պետք է

կազմակերպվի այնպիսի մեթոդներով և մոտեցումներով, որոնք ուղղված են յուրաքանչյուր երեխայի առանձնահատկություններից բխող կարիքների բավարարմանը, 3. դպրոցները պետք է մշակեն այնպիսի առարկայական պլաններ, որոնք կբալանսավորեն միասնականությունը և յուրահատկությունը, 4. դպրոցը պետք է բացահայտի և չեզոքացնի ուսումնական կյանքում լիարժեք մասնակցությանը խոչընդոտող գործոնները բոլոր աշակերտների համար, 5. ՆԿ-ը ենթադրում է կրթական գործընթացների կազմակերպման և կառավարման խորքային և երկարաժամկետ փոփոխություններ, 6. ՆԿ-ը ենթադրում է աջակից կառույցների և ռեսուրսների ստեղծում՝ ուսուցչական, ադմինիստրատիվ անձնակազմի, աշակերտների և ծնողների և ՆԿ համակարգի այլ շահառուների համար 2008թ.-ին ժնկում կայացած Կրթության միջազգային կոնֆերանսի 48-րդ համաժողովի շրջանակներում քննարկվեցին մի շարք առանցքային դրույթներ, որոնք կարևոր են ՆԿ հայեցակարգային հիմքերի զարգացման և ՆԿ քաղաքականությունների մշակման և ներդրման համար: Խոսքը գնում է մասնավորապես «ՆԿ», «կրթություն բոլորի համար» և «կրթության մեջ ինտեգրում» հասկացությունների մասին, որոնք հաճախ նույնացվում են, սակայն բովանդակում են սկզբունքորեն տարբեր նպատակներ և խնդիրները: «Կրթությունը բոլորի համար» հայեցակարգը չպետք է նույնացվի «ՆԿ» հայեցակարգի հետ: Թեև երկուսն էլ ուղղված են կրթության հասանելիության բարձրացմանը, այդուհանդերձ ՆԿ-ը նպատակ ունի ապահովելու որակյալ կրթություն՝ խտրականության ցանկացած ձևի բացառման միջոցով: ՆԿ-ն ավելի է քան մասնակցությունը և հասանելիությունը: Այն կոչված է յուրաքանչյուրի անհատական կարողությունների զարգացմանը՝ որակյալ կրթություն տրամադրելու միջոցով: ՆԿ-ն ավելին է քան մասնագիտությունն ու հասանելիությունը: Այն կոչված է յուրաքանչյուրի անհատական կարողությունների զարգացմանը՝ որակյալ կրթություն տրամադրելու միջոցով: 7 ՆԿ-ը չպետք է նույնացվի նաև ինտեգրում հասկացության հետ: Ինտեգրումն ապահովում է ԿԱՊԿՈՒ անձանց մասնակցությունը կրթական գործընթացներում, իսկ ներառումը ամրագրում է որակյալ կրթություն ստանալու բոլորի իրավունքը: Ավելին, ինտեգրման դեպքում աշակերտները իրենք պետք է հարմարվեն առկա դպրոցական համակարգին (առարկայական պլաններին, դասավանդման մեթոդներին,

արժեքներին և այլն): Այս դեպքում դպրոցները փորձում են ապահովել անհատական ծրագրեր, տարբերակված մեթոդներ, հատուկ մանկավարժներ, որոնք էլ ավելի են ընդգծում տվյալ երեխայի ԿԱՊԿՈՒ կարգավիճակը և նրան առանձնացնում մյուսներից: Օրենքի համաձայն ԿԱՊԿՈՒ անձանց կրթությունը կարող է իրականացվել պետական և ոչ պետական հանրակրթական, մասնագիտական ուսումնական հաստատություններում, որոնք ապահովված են կրթության առանձնահատուկ պայմաններով: Օրենքը մանրամասն չի ամրագրում, թե որոնք են կրթության առանձնահատուկ պայմանները, որոնց պետք է համապատասխանի ՆԴ-ը: Փոխարենը, սույն օրենքն ամրագրում է կրթության առանձնահատուկ պայմանների կարիքի բժշկահոգեբանամանկավարժական գնահատման գործընթացը, վկայագրումը, ՆԿ կազմակերպման տնտեսական հիմքերը, միջազգային կառույցների հետ համագործակցությունը և այլն:

Ներառական կրթությունը՝ կրթություն է բոլորի համար

Երբ կրթությունը ներառական է, ապա դրանից շահում են երեխան, ընտանիքը, պետությունը և հասարակությունը: Այն կրթության կազմակերպման գործընթաց է, որի հիմքում բոլոր երեխաների, այդ թվում նաև՝ հաշմանդամություն և կրթության առանձնահատուկ պայմանների կարիք ունեցող երեխաների կրթություն ստանալու իրավունքն է: Այն արձագանքում է բոլոր սովորողների բազմազան կարիքներին, մեծացնում է նրանց մասնակցությունը ուսումնական, մշակութային և համայնքային կյանքին և նվազեցնում է կրթությունից նրանց դուրս մնալը: Ներառական կրթությունը ենթադրում է կրթական գործընթաց, որն ուղղված է բոլոր սովորողների կարիքներին, ներառյալ հաշմանդամություն և կրթության առանձնահատուկ պայմանների կարիք ունեցող երեխաներ, բռնությունների ենթարկվող երեխաներ, աշխատող երեխաներ, փախստական կամ տեղահանված երեխաներ, միգրանտներ, աղքատ և չքավոր երեխաներ, լեզվական փոքրամասնություններ, ազգային փոքրամասնություններ, հակամարտությունների հետևանքով որբացած երեխաներ և այլն:

Ներառական կրթությունը հաշմանդամության սոցիալական մոդելի յուրօրինակ ածանցյալն է: Այն ընդունում է, որ բոլոր երեխաները տարբեր են, իսկ դպրոցներն ու հանրակրթական համակարգը պետք է հարմարվեն բոլոր սովորողների մտավոր, հոգեկան և ֆիզիկական զարգացման կարիքներին և անհատական պահանջմունքներին: Մակայն ներառում չի նշանակում բոլորին ձուլելու կամ միատեսակ դարձնելու ձգտում: Այն ընդունում է, որ երեխաները սովորում են տարբեր արագությամբ, իսկ ուսուցիչներին անհրաժեշտ են հատուկ հմտություններ՝ ուսուցման գործընթացի ձևերի մեջ փոփոխություններ անհրաժեշտ են հատուկ հմտություններ՝ երեխաներին անհրաժեշտ է հասկանալի, մատչելի դասավանդում: Իսկ դա իր հերթին ենթադրում է երեխայի առանձնահատկություններին, անհատական կրթական պահանջմունքներին, զարգացման տեմպերին, ընդունակություններին և կարողություններին համապատասխանող տարբեր մեթոդների օգտագործում:

Ներառումը հաշմանդամություն և կրթության առանձնահատուկ պայմանների կարիք ունեցող երեխաներին հնարավորություն է տալիս կրթություն ստանալ իրենց

համայնքներում և չմեկուսանալ ընտանիքներից: Համայնքից և ընտանիքից հեռու՝ հատուկ դպրոցներում երեխաներին տեղավորելը հակասում է ընտանիքի և համայնքի կյանքին մասնակցության նրանց իրավունքին: Ընտանիքից ու համայնքից հաշմանդամություն և կրթության առանձնահատուկ պայմանների կարիք ունեցող երեխաների բաժանումը հաճախ վկայում է հասարակության մեջ նման մարդկանց նկատմամբ գոյություն ունեցող նախապաշարումների մասին: Ներառական կրթությունը կարող է բարձրացնել կրթության որակը բոլորի համար: Ներառական կրթությունը կարող է կրթական պրակտիկայում փոփոխությունների կատալիզատոր հանդիսանալ, որը կհանգեցնի կրթության որակի բարձրացմանը: Հաշմանդամություն և կրթության առանձնահատուկ պայմանների կարիք ունեցող երեխաների ներառումը հանրակրթական դպրոցներ կստիպի ուսուցիչներին մշակել նոր՝ դեպի երեխան կողմնորոշված ուսուցման և ուսումնառության մեթոդներ, ապահովել մեծ թվով մասնակիցների ընդգրկվածություն ուսումնական գործընթացում: Դրանից օգուտ կստանան բոլոր երեխաները: Բազմաթիվ ուսուցիչներ կարծում են, որ կրթական հատուկ կարիքներով երեխաների ուսուցման համար իրենց անհրաժեշտ կլինեն «հատուկ հմտություններ»: Սակայն փորձը ցույց է տալիս, որ հատուկ կարիքներով երեխաներին հանրակրթական գործընթացի մեջ ներգրավելու համար ընդամենը անհրաժեշտ է որակյալ, հասկանալի և մատչելի դասավանդում, որը և նպաստում է աշակերտների ակտիվության բարձրացմանը: Սա այն է, ինչ պետք է անի ուսուցիչը՝ բոլոր երեխաներին որակյալ կրթություն տալու համար: Ներառական կրթության անցնում են բազմաթիվ երկրներ՝ կրթության համեմատաբար համեստ բյուջեով և տեխնիկական միջոցների փոքր ծավալով: Այս գործունեության դրական արդյունքներից են դասավանդման որակի բարձրացումն ու սովորողների ձեռքբերումները (այդ թվում նաև՝ կրթական գործընթացից դուրս մնացած և ցածր առաջադիմությամբ աշակերտների թվի նվազեցումը):

Ներառումն ու օտար լեզվի ուսուցումը միննույն հարթակում:

Մեթոդաբանություն

ԿԱՊԿՈւ երեխաները նույնպես պետք է սովորեն օտար լեզու , բացի մյուս դասերից: Ուսուցիչները պետք է համապատասխան դասի պլան կազմեն նրանց համար: Դասի պլանը պետք է պլանավորվի որոշ չափանիշների հիման վրա.

ա) պետք է մշակվի ֆրանսերենի դասավանդման ժամանակ կիրառվող մեթոդաբանությունը, որը հարմար է ԿԱՊԿՈւ երեխաների համար

բ) ուսումնական նյութը պետք է լինի գրավիչ և համապատասխան

գ) ուսուցիչը պետք է լրացուցիչ աշխատաժամանակ ծրագրի երեխայի համար

դ) ուսումնական ծրագիրը պետք է հարմարեցվի ԿԱՊԿՈւ սովորողների համար (մասնավորապես. պետք է բացառել ամբողջ ուսումնական պլանը ծածկելու ճնշումը և

պետք է կենտրոնանալ մի քանի հմտությունների զարգացման վրա)

ե) ուսուցիչը ներառական կրթության մասնագետի հետ միասին պետք է կազմի անհատական ուսումնական պլան: Դասը պետք է լինի շատ ինտերակտիվ, պետք է շեշտը դնել երգելու, խաղալու, պարելու, նկարելու վրա:

Շարժողական գործողությունները օգտակար են ԿԱՊԿՈւ երեխաների համար, քանի որ իրենց համար դժվար է կենտրոնանալ կամ նստել: Մթնոլորտը նույնպես պետք է հաճելի լինի սովորողի համար, որպեսզի հնարավոր լինի խուսափել անհարմար զգալուց, ճնշման տակ լինելուց, սթրեսային իրավիճակներից կամ ձանձրալի գործունեություններից. Վերացական հասկացությունները, կանոնները, քերականական կանոնները հոգնեցուցիչ են. պետք է խուսափել, նմանատիպ ընթացակարգերից, քանի որ դրանք լարվածություն են առաջացնում: Ավելի լավ է խուսափել սխալները շատ հաճախ ուղղելուց, քանի որ դա կարող է դեմոտիվացնել սովորողներին: Օտար լեզուն սովորում են ուղիղ ճանապարհով՝ դրա հետ շփմամբ, հետևաբար ԿԱՊԿՈւ սովորողները պետք է ծանոթ լինեն անգլերենով լսելու և կարդալու գործողություններին: Ուսուցման տարբեր ոճեր կան նույնիսկ առողջների համար: Այս պատճառով, նպատակահարմար է, որ ուսուցիչները լինեն ծանոթ ԿԱՊԿՈւ երեխաների ուսուցման ոճերին: *Կինեստետիկ* սովորողները նախընտրում

են շարժումներ սովորելիս, *տեսողական* սովորողները նախընտրում են կարդալ և նկարներ, *միջանձնային* սովորողները սիրում են խմբային աշխատանքը և դասարանային քննարկումները, մինչդեռ *ներանձնային* սովորողները նախընտրում են աշխատել անհատական:

Փաստորեն, ուսուցիչները դասավանդման ընթացքում որոշակի խնդիրների հայտնաբերման գործընթացի մասնակից են դառնում: Հետևաբար, այս ուսումնասիրությունն անդրադառնում է ֆրանսերենի ուսուցման մարտահրավերների վրա՝ հատուկ կարիքներով սովորողների դեպքում: Այն ուսումնասիրում է այն մարտահրավերները, որոնց բախվում են ուսուցիչները, ովքեր ուսուցանում են ԿԱՊԿՈՒ երեխաներին: Ուսուցիչները պնդում են, որ օտար լեզվի դասավանդումը ներառական դասարանում այդպես իսկպես արդյունավետ չէ: Նրանք կարծում են, որ սովորողները երբեմն տուժում են ԿԱՊԿՈՒ սովորողների ոչ կարգապահություններից. Նրանք դժվարությամբ են հասկանում հասկացությունները: Այսպիսով, ուսումնական ծրագիրն ամբողջությամբ չի ստացվում: Մյուս կողմից, որոշ սովորողների հետ ԿԱՊԿՈՒ սովորողները դեմոտիվացիայի է ենթարկվում. Նրանք կորցնում են իրենց ինքնավստահությունը: Դա այն պատճառով է լինում նաև, որ նրանք խտրականության են ենթարկվում: Այսպիսով, դա առաջացնում է ցածր ինքնագնահատական և միայնակության զգացում (Բուլոք, 1992): Այս բացասական փոխազդեցությունները կարող են առաջացնել «պակաս բարենպաստ դպրոցի մասին պատկերացումները, դպրոցից խուսափելու ավելի բարձր մակարդակները և ավելի ցածր մակարդակները դպրոցական ներկայացում»

Մարտահրավերներն ու լուծման ուղիները

Համընդհանուր ներառական կրթության ներդրումը իր հետ բերում է հետևյալ մարտահրավերները՝

-Մասնագետների փորձառության պակաս

-առարկայական ուսուցիչների դասավանդման մեջ ներառական մոտեցումների, մեթոդների պակաս

-տնօրինության կողմից դպրոցներում ներառման գործընթացի արդյունավետ կազմակերպում

-ներառականության գաղափարի սխալ ընկալում

-Ֆիզիկական միջավայրի ոչ համարժեք պայմաններ:

Կրթական հետազոտությունների և խորհրդատվությունների կենտրոնի կողմից 2013թ. առաջին վեց ամսվա ընթացքում ՀՀ-ի 5 թիրախային մարզերում գործող ընտրանքային 34 ներառական դպրոցներում կատարվել է ներառական կրթության գնահատում, պարզելու համար, թե որքանով է Հայաստանը պատրաստ անցում կատարելու ներառական կրթության: Գնահատման արդյունքում եկել են եզրահանգման , որ ՀՀ-ում ներառական կրթության մոդելն իր բոլոր գործառույթներով նման է ինտերվաժ ուսուցման: Գնահատող թիմը եկել է այն եզրակացությանը, որ արդյունքներն այդքան էլ գոհացուցիչ չեն և այդ կերպ ՀՀ-ը համընդհանուր ներառական կրթության պատրաստ չէ: Սակայն, ցավոք, այս գնահատման ժամանակ անտեսվել է ներառական կրթության անցման հոգեբանական գործոնը: Մասնավորապես՝ 2019 թ. Սեպտեմբերից ՀՀ ԿԳՄՍ նախաձեռնությամբ և ՄԱԿ-ի մանկական հիմնադրամի ֆինանսավորմամբ <<Դասավանդի՛ր Հայաստան>> կրթական հիմնադրամը իրականացրեց << Ուսուցիչների՝ ներառող դասավանդման վերապատրաստման կարողությունների զարգացման ծրագիրը: Արդյունքում ընտրված 60 մենթորներից իրականացրին վերապատրաստումներ և մենթորական աջակցություն Երևանում, Արագածոտնի և

Շիրակի մարզերում: Այսօր արդեն մեկնարկել է երկրորդ փուլը: Մյուս մարզերում վերապատրաստումներ են իրականացնում Մանկավարժական հոգեբանական աջակցության կենտրոնները: Վերապատրաստողների և մենթորների խումբը աշխատում են ուսուցիչների հետ՝ սովորեցնելով համընդհանուր ներառմանը վերաբերող մի շարք հարցեր՝ սկսած ԿԱՊԿՈՒ երեխայի կարիքի գնահատումից, մինչև նրա աշխատանքի մեթոդներն ու ռազմավարությունները: Այսինքն՝ ուսուցիչներին համապատասխան գործիքներով զինելու գործընթացն ընթացքի մեջ է և Հայաստանը փուլ առ փուլ անցում է կատարում համընդհանուր ներառական կրթության ծրագրի իրագործմանը: Սակայն, ԿԱՊԿՈՒ երեխային հատուկ դպրոցից հանրակրթական դպրոցներ՝ նոր բարենպաստ կրթական միջավայր տեղափոխելուց և ուսուցիչներից համապատասխան մեթոդաբանությունից պակաս կարևոր չէ հանրակրթական դպրոցներում սովորողների, նրանց ծնողների, և ընդհանրապես հասարակության դիրքորոշումն այս հարցում, որն էլ, անշուշտ, իր անմիջական ազդեցությունն ունի գործընթացի հաջող կամ անհաջող իրականացման գործում: Այսինքն՝ ինչ է ստացվում՝ ներառական կրթությունը դիտարկվում է որպես միայն մասնագիտական խնդիր, և դրան վերաբերող նախապատրաստական բոլոր աշխատանքները, քննարկումներն իրականացվում են բացառապես նեղ մասնագետների շրջանում: Այսինքն՝ անտեսվում են ոչ ԿԱՊԿՈՒ երեխաների և նրանց ծնողների կարծիքները: Այլ կերպ ասած անտեսվում է տիրույթը՝ սկսած համայնքից, վերջացրած դպրոցի բոլոր աշխատակիցներով, ոչ ԿԱՊԿՈՒ երեխաներով ու նրանց ծնողներով: Միջավայրը, անշուշտ, կարող է նպաստել ներառական կրթության քաղաքականության հաջող իրականացմանը: Միջազգային փորձը ցույց է տալիս, որ եթե նախապատրաստական աշխատանքներ չտարվեն աշակերտների ծնողների հետ, դա կարող է խոչընդոտել ներառմանը և խանգարել հետագա բնականոն աշխատանքներին:

Ներառական կրթության պրոֆեսոր Մարա Սապոն-Շեվինը ուսուչիներին խնդրել է դասերի ժամանակ օգտագործել գրքեր, որոնք գրված են եղել ԿԱՊԿՈՒ երեխաների մասին, որպեսզի կրթեն ոչ ԿԱՊԿՈՒ երեխաներին, ձևավորելով համապատասխան վերաբերմունք իրենց համադասարանցիների հանդեպ: Առաջարկի նպատակներից են նաև եղել նվազեցնել նախապաշարմունքները ԿԱՊԿՈՒ երեխաների մասին և

թույլատրել հաշմանդամություն ունեցող երեխաներին մուտք գործել դպրոց, որպես կրթության լիիրավ անդամներ: Մակայն Մապոն-Շեվինի առաջարկությունը լայն ուշադրության չի արժանացել: Ներառական կրթության խնդիրը հուզել է այդ ոլորտի այլ մասնագետների և էքսպերտներ Մոնսոնը և Շարթլեֆը 1979 թվականին հետազոտություն են կատարել ոչ ԿԱՊԿՈՒ երեխաների շրջանում, պարզելու համար , թե ինչ ազդեցություն են ունենում վերջիններիս իրազեկվածությունը ԿԱՊԿՈՒ երեխաների հանդեպ դիրքորոշման փոփոխության վրա: Մասնագետների հետ ոչ ԿԱՊԿՈՒ երեխաները դիտել են ֆիլմ քառակի ֆոկոմելիա (վերջույթների թերզարգացվածություն, երբ չորս վերջույթները բացակայում են) ունեցող երեխաների վերաբերյալ, այնուհետև ունեցել են լսարանային քննարկում մասնագետների հետ: Արդյունքում ոչ ԿԱՊԿՈՒ ավելի մեծ թվով երեխաներ են նշել, որ կցանկանան այդպիսի խնդիրներով ընկեր ունենալ, քան մինչև դիտումն ու քննարկումը: Արդյունքն ավելի զգալի է եղել այն դասարաններում, որտեղ ուսուցիչը ֆիզիկական արատներ ունեցող երեխաների խնդիրների մասին է խոսել: Այս փորձի արդյունքում պարզ է դառնում, որ անհրաժեշտ է նախ կազմել համապատասխան նյութեր, և մինչև ներառական կրթության անցնելը ոչ ԿԱՊԿՈՒ երեխաների հետ անցկացնել ինֆորմացիոն և հոգեբանական նախապատրաստական աշխատանքներ:

Ուսումնասիրելով միջազգային փորձը հասկանալի է դառնում, որ նախքան ներառական կրթության անցնելը անհրաժեշտ է՝

1. Մասնագիտական թիմի կողմից, օգտագործելով տարբեր միջոցներ և ռեսուրսներ, իրազեկման և հոգեբանական դասընթացներ անցկացնել
 - բոլոր համայքներում
 - ոչ միայն մանկավարժների, այլ նաև ողջ անձնակազմի շրջանում
 - ներառվող դասարանի ծնողների հետ՝ անհատապես
 - ոչ ԿԱՊԿՈՒ համադասարանցիների շրջանում

2. Այն համայնքներում, որտեղ արդեն ներառական կրթություն իրականացվում է, կատարել հետազոտություններ և համապատասխան բարելավման միջոցառումներ:
3. Վերանայել կրթության բովանդակությունը, դասագրքերն ու ուսումնասովանողական նյութերը, որոնց միջոցով իրականացվում են գիտելիքների հաղորդումը, կարողությունների ու հմտությունների ձևավորումը, որն էլ հիմք է նախապատրաստում համապատասխան վերաբերմունքի ու վարքագծի դրսևորման համար:
4. Ռեսուրսներ / գրքեր , ֆիլմեր, բրոշյուրներ, տեսահոլովակներ տրամադրել դպրոցներին՝ լսարանի իրազեկվածության նախատրամադրվածության բարձրացման նպատակով:
5. Ռեսուրսների պարտադիր օգտագործման և դրանց արդյունավետության մասին հաշվետվություններ պահանջել տնօրինություններից:

Ինչպե՞ս հաղթահարել ներառական կրթության մարտահրավերները:

Ներառական կրթության իրականացման խնդիրները հաղթահարելու համար պետք է լավ համագործակցություն լինի կառավարության, համայնքների և շահագրգիռ մարմինների միջև, որպեսզի ըմբռնեն դեպի ներառական կրթություն տանող ճանապարհը: Ներառական կրթությունը առանց խտրականության ընդունում է բոլոր երեխաներին սովորական կամ հանրակրթական դպրոցներում: Ստորև ներկայացված են ներառական կրթության մարտահրավերների վերաբերյալ առաջարկվող միջոցառումները կամ լուծումները: 1. Հաշմանդամության հետ կապված ուսումնասիրություններ: Ներառական մշակույթ զարգացնելու համար անհրաժեշտ է վերացնել ներառական կրթության մասին թյուր կարծիքը: Եվ ներառականության մասին չհասկացվածության այս խոչընդոտը վերացնելու համար պետք է ջանքեր գործադրվեն՝ ներգրավելու հաշմանդամություն ունեցող անձանց ուսումնասիրություններն ու նման ուսումնասիրության կարևորությունը կրթական համակարգի բոլոր մակարդակներում:

Լիարժեք ներառման մոդել: Ինչպես վերը նշվեց, ուսուցիչների և ծնողների բացասական վերաբերմունքը հատուկ երեխաների նկատմամբ խոչընդոտ է հանդիսանում ներառականության իրականացման ճանապարհին: Ներառումը լիարժեք ներառման մոդելի տեսքով պետք է ընդունվի որպես բոլոր երեխաների կրթության լայն քաղաքականություն առանց որևէ տեսակի խտրականության: 3. Ուսուցիչների կրթությունն Ներառական կրթության խոչընդոտները հաղթահարելու համար: Առաջնահերթությունը պետք է տրվի նախադպրոցական, ինչպես նաև ծառայողական ուսուցիչների կրթությանը, առարկայական ուսուցիչների և աշակերտների հետ կապված դպրոցի այլ անձնակազմի համար՝ նրանց անհրաժեշտ գիտելիքներով և վերաբերմունքով ներառական համակարգում աշխատելու համար: 4. Ներառման մշակույթի ձևավորում: Ներառական կրթության խոչընդոտները կամ մարտահրավերները վերացնելու համար շատ անհրաժեշտ է փոխել տարբեր կարիքներ ունեցող երեխաների շուրջ քարացած մարդկանց վերաբերմունքը: Սա փոխելու համար անհրաժեշտ է ստեղծել ներառական մշակույթ: Կան բազմաթիվ առաջարկական միջոցներ կամ լուծումներ ներառական կրթության մարտահրավերներին: Ինչպե՞ս կարելի է հաղթահարել ներառման խոչընդոտները. ստեղծելով լավ համագործակցություն, ներառական քաղաքականություն, բարելավելով տրանսպորտային համակարգը, ճկուն ուսումնական պլանը, ներառման իմպրովիզացված պլանը և այլն: Մրանք են օգնում լուծել ներառական կրթության իրականացման խնդիրները:

Եզրակացություն

Այսպիսով՝ ներառական կրթությունը կրթական այսպիսի ծրագիր է, որն ապահովում է հավասար վերաբերմունք բոլոր մարդկանց նկատմամբ, բացառում է ամեն տեսակի խտրականություն երեխաների նկատմամբ, ներշնչում է պատկանելիության զգացում: Ստեղծում է ուրույն պայմաններ կրթական համակարգում կրթության առանձնահատուկ պայմանների կարիք ունեցող (ԿԱՊԿՈԻ) անձանց համար: Պայմաններ է ստեղծում կյանքի դժվարին իրավիճակներում հայտնված անձանց հասարակության մեջ ներգրավելու համար: Այսօրվա հրամայական պահանջն է, բոլոր բարեգործական և հասարակական կազմակերպությունները բարելավեն հաշմանդամություն ունեցող մարդկանց կյանքն ու ստեղծեն հնարավորություններ նրանց լիարժեք կյանքի համար: Համապատասխան պետական քաղաքականության իրականացումը հնարավորություն կտա բարենպաստ սոցիալական մակարդակ ապահովել հասարակության այդ շերտի նկատմամբ: Ամփոփելով «Ներառական կրթության մարտահրավերները» թեման և կատարած դիտարկումների ու հետազոտության արդյունքները՝ կարող ենք ասել, որ ներառական կրթությունը մեր երկրում՝ մասնավորապես մարզային համայնքներում դեռևս կայացման փուլում է: Առաջատար մասնագետների կարիք դպրոցները շատ ունեն, իսկ դպրոցների մասնագետներն էլ ունեն վերապատրաստման կարիք: Այնուամենայնիվ, ներառական համակարգի գործունեության շնորհիվ՝ ներկա փուլում մի շարք հիմնախնդիրներ գտել և գտնում են իրենց լուծումները: Ինչևէ, դպրոցները պետք է կարողանան և պատրաստված լինեն այդ ծրագրերը իրականացնելու ապահովել պատշաճ պայմաններ, անձնակազմի կարողություններ, հմտություններ և վերաբերմունք: Դպրոցը այն վայրն է, որտեղ պետք է ձևավորվի ներառականության նոր մշակույթ: Քայլեր ձեռնարկվեն, դասեր և դասընթացներ կազմակերպվեն: Այս պարագայում ամենակարևորը պատշաճ միջավայրի ապահովելն է: Դպրոցում հավասար պայմաններ պետք է ապահովվի բոլոր սովորողների համար. ո՛չ արտոնյալներ պետք է լինեն և ո՛չ էլ անտեսվածներ: Յուրաքանչյուր հասարակություն ինքն է մշակում և իրագործում սեփական գաղափարները: Մեր երկրը այդ առումով դեռևս ճանապարհ ունի անցնելու Կրթությունը՝ լինելով

պետության կառուցման հենասյուներից մեկը, չի կարող անմասն մնալ այդ գործընթացներից: Ներառական կրթությունը լուրջ մարտահրավերների առաջ է կանգնեցնում մեր կրթական համակարգը, դասական մոտեցումները, պետք է արդիականացնել այդ առումով ուսումնական հաստատությունների ինստիտուտը: Ասել կուզեմ, որ կրթությունը որակյալ չի կարող համարվել և չի կարելի ասել. «մեր երկրում կրթությունը բոլորի համար է», եթե այդ կրթության կազմակերպման գործիքները, մեխանիզմները դեռևս ունեն բացառումներ երեխաների համար: Այսինքն՝ ներառական կրթությունը իսկապես հնարավորություն է ոչ միայն բարելավելու մեր կրթական ոլորտը, այլ նաև մեր ողջ հասարակությունը: Ներառական կրթությունը ավելին է, քան միայն դպրոցական կրթությունը: Այն վաղվա հասարակության վերաբերմունքն ու մտածելակերպն է: Հուսանք և լինենք համոզված, որ ապագայում մեր երկրի բոլոր դիրոցները կլինեն ներառական և այդ տերմինը՝ «ներառական», իսպառ կվերանա, և չենք ասի. «այս աշակերտը ներառականից է, այն մեկը՝ ոչ...»: Կարող ենք հաստատ ասել, որ նրանք ևս ուզում են ընկալելի միջավայր, որտեղ աշխարհը գերծ կլինի պատնեշներից ու խտրականություններից: Այսպիսով՝ սա մի գործընթաց է, որի շնորհիվ տարեցտարի պակասում են հասարակությունից օտարված երեխաները: Սա գործընթաց է, որը պիտի Հասարակության վերաբերմունքի փոփոխության ճանապարհ անցնի:

Օգտագործված գրականության ցանկ

- 1.Ներառական կրթության իրականացման ուղեցույց /Հանրակրթական հաստատությունների մանկավարժական աշխատողների համար/, Երևան, 2008թ,
- 2.ՀՀ օրենքը <<Կրթության առանձնահատուկ պայմանների կարիք ունեցող անձանց կրթության մասին>>, 2005թ
- 3.Երեխաների իրավունքների կոնվենցիան 1989
<https://www.arlis.am/documentview.aspxID=60503>
4. Կրթությունը բոլորի համար համաշխարհային հռչակագիրը
https://unesdoc.or/ark:/48223/pf0000127583_eng
5. ՀՀ-ում ներառական կրթության իրականացման գնահատում, կրթական հետազոտությունների և խորհրտատվությունների կենտրոն, 2013
<https://bit.ly/3e1F1XS>
6. Է. Բրայեն, Լավիթ Մ.Լ.Ա. Ավագյան, Վ. Եսայան և ուրիշներ , ներառական կրթության ռազմավարություններ, Դասագիրք, 2019
- 7.Bricker, D. (1995). Le défi de l'inclusion, Journal of Early Intervention, 19
- 8.Brophy, J. (1996) Enseigner aux étudiants à problèmes. New York : La Presse Guilford.
- 9.processus. Dans : R. Lerner (éd.) Manuel de psychologie de l'enfant, 5e éd., Vol 1 :
- 10.Méthodes Approches. New Delhi : SAGE Publications, Inc.
- 11.Enseignement inclusif et adaptatif : relever le défi de la diversité en classe » ; Pierre Westwood ; 2018
- 12.https://unesdoc.unesco.org/ark:/48223/pf0000374447_fre

13. <https://www.cairn.info/psychologie-du-developpement--9782100824076.htm>

14 . <https://www.unicef.org/education/inclusive-educaion>

15. <<Դասավանդի՛ր Հայաստան>> կրթական հիմնադրամն իրականացնում է << Ուսուցիչների ` ներառող դասասանդման վերապարասման կարողությունների զարգացման>> ծրագիրը, 4/սեպտեմբեր /2019,

16. Ներառական կրթության ռազմավարություններ, Դասագիրք, 2019